

# Powšitkowne WOZJEWJENJA

njedźelu, 11. nowembra 2018

## Nuncius přińdže do Budyšina

Japoštołski nuncius w Němskej, arcybiskop Nikola Eterović, přińdže do Łužicy. Wutoru, 13. nowembra, budže wón we 18 hodź. w Budyskej tachantskej cyrkwi Božu mšu swječić. Spěwać budže so z němsko-serbskeho kěrlušnika. Wšitcy su na kemše přeprošeni.

## Pozběhnjenje na Basilicu minor we Wechselburgu

Na swjatočnej Božej mši pónđzelu, 12. nowembra, w 17.30 hodź. pozběhnje japoštołski nuncius w Němskej, arcybiskop Nikola Eterović, Wechselburgsku cyrkej na Basilicu minor. Jako wulkopóslanc swjateho wótca w Němskej přepoda wón wotpowědne wopismo bamža. Zdobom ma so bamžowy wopon nad zachodnymi wrotami wotkryć.

## Prěnjowoprawjenske džěci přeprošene

Dekanatne dušepastyrstwo přeprošuje wšitke džěci, kotrež so na přenje swjate woprawjenje přihotuja, na zhromadny dzeń pod hesłom „Cool kadla – fecich holca“ srjedu, 21. nowembra, wot 9 do 15 hodź. do Njebjelčic. Započatk je z Božej mšu w cyrkwi. Zajimcy njech so prošu hač do pónđzele, 12. nowembra, pod telefonowym čisłom (03 57 96) 8 87 07 abo z mailku worklecy-kise@gmx.de we Worklecach přizjewja. Za wudawki dnja zběra so wot kóždneho wobdźělnika přinošk we wysokosći štyrjoch eurow.

## Hromadža hodowne dary za džěci a swójby w Čěskej a Bołharskej

Towarstwo swjateje Filomeny z.t. chce tež lětsa džěci a swójby w čěskim Dolním Podluží, Jiřetínje kaž tež w bołharskim Razgradže a wokolnych wsach z hodownymi pakćikami zwjeselić. Jich wobsah njeje předpisany, móžne pak su hrajki, pisanske materialije, slódkosće abo kakaw. Za spomóžne ma wone, jeli bychu pakćiki nalěpk měli, za koho je mysleny, na přikład „swójba“, „holca 14-16 lět“ abo „hólc 0-4 lět“. Wotedać móža so pakćiki wot pónđzele do štwórtka, 19. do 22. nowembra, stajnje wot 17 do 18 hodź. w Smjerdžečanskim kulturnym domje. W tym času přijimuju tohorunja derje zdžeržanu drastu a počehnjena. Dalša móžnosć podpěranja su pjenježne dary, z kotrychž matej so transportaj financować kaž tež wšelake socialne zarjadnišća podpěrać. Přepokazać móža so na konto St.-Filomena-Verein e.V., IBAN: DE55 8509 0000 6036 0810 05 pola Ludoweje banki Drježdžany-Budyšin e.G. pod hesłom „Hilfsaktion 2018“. Nimo toho trjeba towarstwo wjele pomocnikow při nakładowanju awtow, a to srjedu, 21. nowembra, wot 9 hodź. a pjatk, 23. nowembra, wot 16 hodź.

## Praski chór spěwa w Róžeńće a Ralbicach

Cyrkwinski chór Cantus amici z Prahi wuhotuje sobotu, 17. nowembra, we 18.30 hodź. koncert w Róžeńčanskej swjatnicy. Mjez druhim zaklinčitej Antona Brucknerowe „Locus iste“ a „Ave Maria“. Wumělski nawod změje Lukáš Dobrodinský, na piščelach zahraje Ondřej Valenta. Nazajtra njedźelu, 18. nowembra, wobrubu Praski chór Božu mšu we 8.30 hodź. w Ralbicach.

## 1989! – A džensa?

Pozadki politiskeho přewróta lěta 1989 w NDR a zwiski k druhim europskim krajam předstaji něhdyši korespondent telewizijneho sčelaka ZDF Joachim Jauer pjatk, 23. nowembra, po wječornych kemšach w Ralbicach na „Radlubinje“, potajkim wot něhdže 19.45 hodź. Po přednošku je składnosć, so z nim wo aktualnych prašenjach rozmołwjeć. Samsne zarjadowanje přewjedže so štwórtk, 22. nowembra, w 19.30 hodź. na žurli swjateje Hilžbjety w Kamjencu blisko katolskeje cyrkwy. Joachim Jauer budže swoje tři knihi „Urbi et Gorbi – Christen als Wegbereiter der Wende“ (2009), „Kennzeichen D. Friedliche Umwege zur deutschen Einheit.“ a „Der Sykophant – vom Ende einer Stasi-Karriere“ poskićeć a signować. Na wječoraj přeprašuje sekcija Wěda a skutk Towarstwa Cyrila a Metoda z.t.

## Klětu putniska jězba do Ukrainy

Putniska jězba do ukrainskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta 2019, ze Šmitec jězbami w Radworju. Hłowne město zapadneje Ukrainy je přez swoje stawizny a kulturu wulce zajimawe. Wšako je w běhu svojich stawiznow přežiwiło pólske, rakuske, sowjetske a němske knjejstwo. Wobdžělmy so na swjatočnej Božej mši po grjeksko-katolskim wobrjedže, wopytamy mniši klóšter w Univje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika.

*T. Kubašec*

## Pytaja poradźowarja za powšitkownu socialnu službu

Hornjołužiski zwjazk Carity z.t. pyta poradźowarja za powšitkownu socialnu službu. Njewobmjezowane džěłowe městno z tydžensce minimalnje 30 hodžinami ma so 1. januara wobsadzić. Wobšěrne wupisanje je pod [www.posol.de](http://www.posol.de) wozjewjene.

## Paslenje adwentneje pychi

Dekanatne dušepastyrstwo džěci a młodžiny přeprašuje na paslenje adwentneje pychi do Don Boskoweho domu we Worklecach pjatk, 30. nowembra, wot 17 hač do 21 hodź. Witani su młodostni, maćerje a dalši zajimcy. Kóždy ma swój předžěłany material zapłaćić.